

Vi ste ovdje: [Početna](#) ▶ [Vijesti](#) ▶ [Vijesti 122](#) ▶ Bilten za 08.09.2025. godine



▼ Menu

[HOME](#)[OGLASI](#)[KONKURSI](#)[JAVNE NABAVKE](#)[ZAVRŠENE JAVNE NABAVKE](#)[VIJESTI 122 I SAOPĆENJA](#)[AKTUELNO](#)[GRAĐANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva bilten

Septembar 2025						
Po	Ut	Sr	Ce	Pe	Su	Ne
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	1	2	3	4	5

Pregled vijesti 122



▼ Bilten za 08.09.2025. godine

🕒 Objavljeno utorak, 09 Septembar 2025 09:42

👤 Klikova: 165

JAVNI RED I MIR

Na području Zeničko-dobojskog kantona javni red i mir je narušen u sedamnaest slučajeva. U navedenim slučajevima intervenisali su policijski službenici i protiv počinitelaca prekršaja preduzeli zakonom predviđene mjere i radnje.

KRIMINALITET

Zenica

Dana 08.09.2025. godine, u poslijepodnevним satima, dežurnoj službi Policijske stanice Centar putem telefona se obratilo lice H.V., uposlenik Javog preduzeća "Željeznice Federacije BiH" d.o.o. Sarajevo i prijavilo da su od strane nepoznatog lica, sa pruge u naseljenim mjestima Drivuša i Janjići, otuđeni dijelovi kontaktne mreže. Izvršen je uviđaj od strane policijskih službenika Odsjeka kriminalističke policije Policijske uprave I, koji nastavljaju daljnji rad na dokumentovanju krivičnog djela.

Kakanj

Dana 08.09.2025. godine, zbog sumnje da je počinilo krivično djelo "Napad na službenu osobu u vršenju poslova sigurnosti" iz člana 359. KZ FBiH, lice Š.I. je lišeno slobode i zadržano u prostorijama Policijske stanice Kakanj, gdje je nad istim zavedena kriminalistička obrada.

Zavidovići

Dana 08.09.2025. godine, u 09,00 sati, u prostorije Policijske stanice Zavidovići pristupilo je lice H.H. i tom prilikom prijavilo da mu lice P.B., rođeno 1998. godine, iz Zavidovića uputilo ozbiljne prijetnje.

U sklopu aktivnosti na dokumentovanju prijavljenog krivičnog djela, policijski službenici Policijske stanice Zavidovići su od lica P.B., privremeno oduzeli tri lovačke puške, optički nišan, dva oružna lista za držanje i nošenje oružja, te 45 komada puščane municije. Zbog postojanja sumnje da je počinilo krivično djelo "Ugrožavanje sigurnosti" iz člana 183. KZ FBiH, lice P.B. je lišeno slobode i zadržano u prostorijama za zadržavanje Policijske stanice Zavidovići, gdje je nad istim zavedena kriminalistička obrada.

Žepče

Dana 08.09.2025. godine, u 08,15 sati, u prostorije Policijske stanice Žepče obratilo se lice H.E. i prijavilo da je dana 08.09.2025. godine, u vremenskom periodu od 04,00 sati do 06,00 sati, od strane nepoznatog lica iz radne mašine vlasništvo „Cengiz” d.o.o. Sarajevo, koja je bila parkirana u mjestu Ljubatovići, otuđena nafta u količini od oko 100 litara. Policijski službenici Policijske stanice Žepče nastavljaju dalji rad na dokumentovanju navedenog događaja.

BEZBJEDNOST SAOBRAĆAJA

Zavidovići

Dana 08.09.2025. godine, u 16,40, sati, na regionalnom putu Zavidovići-Kakanj, u mjestu Kamenica, dogodila se saobraćajna nezgoda u kojoj je lice A.M., rođen 2001. godine iz Kaknja, koji je upravljao traktorom marke "GOES", izgubio kontrolu nad istim i tom prilikom je došlo do slijetanja - prevrtanja traktora. Tom prilikom lice A.M. je zadobilo teške tjelesne ozljede konstatovane u Službi hitne medicinske pomoći, Dom zdravlja Zavidovići.

Na području Kantona dogodilo se još trinaest saobraćajnih nezgoda, kojom prilikom su dva lica zadobila lakše tjelesne ozljede, a na vozilima je pričinjena materijalna šteta.